

PREPARAZIONE E RINGRAZIAMENTO ALLA SANTA MESSA DEI SACERDOTI (tratte dal Messale Gregoriano)



PRAEPARATIO AD MISSAM

Antiphona

Ne reminiscáris, * Dómine, delícta nostra, vel paréntum nostrórum, neque vindíctam sumas de peccátis nostris. (T. P.: Allelúia).

Psalmus 83

Quam dilécta habitátio tua, Dómine exercítuum! * desíderat, lànguens concupíscit ánima mea in átria Dómini;

Cor meum, et caro mea * exultánt ad Deum vivum.

Etiam passer invénit domum: * et hirúndo nidum sibi, ubi ponat pullos suos:

Altária tua, Dómine exercítuum: * Rex meus, et Deus meus! -

Beáti, qui hábitant in domo tua, Dómine, * perpétuo laudant te.

Beátus vir, cuius auxiliúm est a te, * cum sacra itínera in ánimo hábet:

Transeúntes per vallem áridam, fontem fácient eam, * ac beneditióibus véstiet eam plúvia prima.

Procédent de róbre in róbur: * vidébunt Deum deórum in Sion. -

Dómine exercítuum, áudi oratióem meam; * áuribus pércipe, Deus Iacob.

Clípeus noster, áspice, Deus, * et réspice fáciem uncti tui.

Vere, mélior est dies unus in átriis tuis, * quam álii mílle;

Consístere malo in límine domus Dei mei, * quam morári in tabernáculis peccatórum.

Nam sol et clípeus est Dóminus Deus: * grátiam et glóriam largítur Dóminus;

Non negat bona eis * qui ámbulant in innocéntia.

Dómine exercítuum, * beátus homo qui cónfidit in te.

Gloria Patri, et Filio, * et Spirítui Sancto.

Sicut erat in principio et nunc et semper, * et in saecula saeculorum. Amen.

Psalmus 84

Propitius fuisti, Domine, terrae tuae; * bene vertisti sortem Iacob.

Dimisisti culpam populi tui; * operuisti omnia peccata eorum.

Continuisti omnem iracundiam tuam, * destitisti a furore irae tuae. -

Restitue nos, Deus Salvator noster, * et depone indignationem tuam adversus nos.

Num in aeternum irasceris nobis, * aut extends iram tuam in omnes generationes?

Nonne tu vitam restituet nobis, * et populus tuus laetabitur in te?

Ostende nobis, Domine, misericordiam tuam, * et salutem tuam da nobis.

Audiam, quid loquatur Dominus Deus, * profecto loquitur pacem

Populo suo et sanctis suis * et eis qui corde convertuntur ad eum.

Certe propinqua est salus eius timentibus eum, * ut habitet gloria in terra nostra.

Misericordia et fidelitas obviam venient sibi, * iustitia et pax inter se osculabuntur.

Fidelitas germinabit ex terra, * et iustitia de coelo prospiciet.

Dominus quoque dabit bonum, * et terra nostra dabit fructum suum.

Iustitia ante eum incedet, * et salus in via gressuum eius.

Gloria Patri, et Filio, * et Spiritui Sancto.

Sicut erat in principio et nunc et semper, * et in saecula saeculorum. Amen.

Psalmus 85

Inclina, Domine, aurem tuam, exaudi me, * quia miser et pauper sum ego.

Custodi animam meam, quia devotus sum tibi; * salvum fac servum tuum sperantem in te.

Deus meus es tu: miserere mei, Domine, * quia assidue ad te clamo.

Laetifica animam servi tui, * quia ad te, Domine, animam meam attollo.

Tu enim, Domine, es bonus et clemens, * plenum misericordiae in omnes qui invocant te.

Ausculta, Domine, orationem meam, * et attende ad vocem obsecrationis meae.

Die tribulationis meae clamo ad te, * quia exaudies me.

Non est tibi par inter deos, Domine, * et non est opus simile operi tuo:

Omnes gentes, quas fecisti, venient et adorabunt te, Domine, * et praedicabunt nomen tuum.

Quia magnus es tu et facis mirabilia, * tu solus es Deus. -

Doce me, Domine, viam tuam, ut ambulem in veritate tua, * dirige cor meum, ut timeat nomen tuum.

Celebrabo te, Domine, Deus meus, toto corde meo, * et praedicabo nomen tuum in

ætérnum.

Quia misericórdia tua magna fuit erga me, * et eripuísti ánimam meam de profúndis inférni.

Deus, supérbi insurrexérunt contra me, et turba praepoténtium insidiátur vitae meae, * neque te ponunt ante óculos suos..

Sed tu, Dómine, Deus miséricors es et benígnus, * tardus ad iram, summe clémens et fidélis.

Réspice in me, et miserére mei; * da robur tuum servo tuo et salvum fac fílium ancíllae tuae.

Sígnum da mihi favóris tui, ut vídeant, qui odérunt me et confundántur, * quod tu, Dómine, adiúveris me et consolátus sis me.

Gloria Patri, et Filio, * et Spirítui Sancto.

Sicut erat in princípío et nunc et semper, * et in saecula saeculórum. Amen.

Psalmus 115

Confísus sum, étiam cum dixi: * "Ego afflíctus sum valde";

Ego dixi in pavóre meo: * "Omnis homo fallax!"

Quid retríbui Dómino, * pro ómnibus quæ tríbuit mihi?

Cálicem salutáris accípíam: * et nómen Dómini invocábo.

Vota mea Dómino reddam * coram ómni pópulo eius.

Pretiósá est in óculis Dómini, * mors sanctórum eius.

O Dómine, ego servus tuus sum, ego servus tuus, fílius ancíllae tuae: * solvísti víncula mea.

Tibi sacrificábo sacrificium laudis, * et nomen Dómini invocábo.

Vota mea Dómino reddam * cora omni pólulo eius,

In átriis domus Dómini, * in médio tui, Ierúsalem.

Gloria Patri, et Filio, * et Spirítui Sancto.

Sicut erat in princípío et nunc et semper, * et in saecula saeculórum. Amen.

Psalmus 129

De profúndis clamo ad te, Dómine: * Dómine, áudi vocem meam.

Fiant áures tuae inténtae * ad vocem obsecratiónis meae.

Si delictórum memóriam serváveris, Dómine, * Dómine, quis sustinébit?

Sed penes te est peccatórum vénia, * ut cum reveréntia serviátur tibi.-

Spero in Dóminum, * spérat ánima mea in verbum eius;

Exspéctat ánima mea Dóminum, * magis quam custódes auróram. - **M**agis quam custódes auróram, * exspéctat Israel Dóminum,

Quia penes Dóminum misericórdia, * et copiósá penes eum redemptio.

Et ipse rédimet Israël * ex ómnibus iniquitatibus eius.

Gloria Patri, et Filio, * et Spirítui Sancto.

Sicut erat in princípío et nunc et semper, * et in sæcula sæculórum. Amen.

Antiphona

Ne reminiscáris, * Dómine, delícta nostra, vel paréntum nostrórum, neque vindíctam sumas de peccátis nostris. (T. P.: Allelúia).

Kyrie, eléison

Christe, eléison

Kyrie, eléison

Pater noster.....

S - et ne nos indúcas in tentatiónem

M - **sed líbera nos a malo.**

S - Ego dixi: Dómine, miserére mei.

M - **Sana ánimam meam, quia peccávi tibi.**

S - Convértere, Dómine, aliquántulum.

M - **Et deprecáre super servos tuos.**

S - Fiat misericórdia tua, Dómine, super nos.

M - **Quemádmódum sperávimus in te.**

S - Sacerdótes tui induántur iustítiam.

M - **Et sancti tui exsúltent.**

S - Ab occúltis meis munda me, Dómine.

M - **Et ab aliénis parce servo tuo.**

S - Dómine, exáudi oratiónem meam.

M - **Et clámor meus ad te véniat.**

Orémus

Aures tuae pietátis, mitíssime Deus, inclina précibus nostris, et gratia Sancti Spíritus illúmina cor nostrum: ut tuis mystériis digne ministrare, teque aetérna caritate diligere mereámur.

Deus, cui omne cor patet et omnis volúntas lóquitur, et quem nullum latet secrétum: purífica per infusiónem Sancti Spíritus cogitationes cordis nostri; ut te perfécte diligere et digne laudare mereámur.

Ure igne Sancti Spíritus renes nostros et cor nostrum, Dómine: ut tibi casto córpore

serviámus, et mundo corde placeámus.

Mentes nostras, quaésumus, Dómine, Paráclitus, qui a te procedit, illúminet: et indúcat in omnem, sicut tuus promísit Fílius, veritátem.

Adsit nobis, quaésumus, Dómine, virtus Spíritus Sancti: quae et corda nostra cleménter expúrget, et ab ómnibus tueátur advérsis.

Deus, qui corda fidélium Sancti Spíritus illustratione docuisti: da nobis in eódem Spíritu recta sápere; et de eius semper consolatione gaudere.

Consciéntias nostras, quaésumus, Dómine, visitándo purífica: ut véniens Dóminus noster Iesus Christus, Fílius tuus, parata sibi in nobis invéniat mansiónem: Qui tecum vivit et regnat in unitate Spíritus Sancti, Deus, per omnia saécula saéculorum. Amen.

Orazione di Sant' Ambrogio

Ad mensam dulcíssimi convívii tui, pie Dómine Iesu Christe, ego peccátor de própriis meis méritis nihil praesúmens, sed de tua confídens misericórdia et bonitáte, accédere véreor et contremísco. Nam cor et corpus hábeo multis crimínibus maculátum, mentem et linguam non caute custodítam. Ergo, o pia Déitas, o treménda maiéstas, ego miser, inter angústias deprehénsus, ad te fontem misericórdiae recúrro, ad te festíno sanándus, sub tuam protectiónem fúgio: et, quem iúdicem sustinére néqueo, salvatórem habére suspíro.

Tibi, Dómine, plagas meas osténdo, tibi verecúndiam meam détego. Scio peccáta mea multa et magna, pro quíbus tímeo: spero in misericórdias tuas, quárum non est númerus. Réspice ergo in me óculis misericórdiae tuae, Dómine Iesu Christe, Rex aetérne, Deus et homo, crucifixus propter hóminem. Exáudi me sperántem in te: miserére mei pleni misériis et peccátis, tu qui fontem miseratiónis numquam manáre cessábis.

Salve, salutáris víctima, pro me et omni humáno género in patíbulo crucis oblata. Salve, nóbilis et pretióse sánquis, de vulnéribus crucifixi Dómini mei Iesu Christi prófluens, et peccáta totíus mundi ábluens.

Recordáre, Dómine, creatúrae tuae, quam tuo sánquine redemísti. Poénitet me peccásse, cúpio emendáre quod feci.

Aufer ergo a me, clementíssime Pater, omnes iniquitátes et peccáta mea; ut, purificátus mente et córpore, digne degustáre mérear Sancta sanctórum.

Et concéde, ut haec sancta praelibátio córporis et sánguinis tuis, quam ego indígnus súmeré inténdo, sit peccatórum meórum remíssio, sit delictórum perfécta purgátio, sit túrpium cogitatiónum effugátio ac bonórum sénsuum regenerátio, operúmque tibi

placéntium salúbris effi cácia, ánimae quoque et córporis contra inimicórum meórum insídias firmíssima tuítio. Amen.

Orazione di San Tommaso d'Aquino

Omnípotens, sempitérne Deus, ecce accédo ad sacraméntum unigéniti Fílii tui, Dómini nostri, Iesu Christi; accédo tamquam infírmus ad médicum vitae, immúndus ad fontem misericórdiae, caecus ad lumen claritátis aetérnae, páuper et egénus ad Dóminum coeli et terrae.

Rogo ergo imménsae largitátis tuae abundántiam, quátenus meam curáre dignéris infirmitátem, laváre foeditátem, illumináre caecitátem, ditáre paupertátem, vestíre nuditátem; ut panem Angelórum, Regem regum et Dóminum dominántium, tanta suscípam reveréntia et humilitáte, tanta contritióne et devotióne, tanta puritáte et fide, tali propósito et intentiÓne, sicut éxpedit salúti ánimae meae.

Da mihi, quaeso, domínici Córporis et Sánguinis non solum suscípere sacraméntum, sed étiam rem et virtútem sacraménti.

O mitíssime Deus, da mihi Corpus unigéniti Fílii tui, Dómini nostri, Iesu Christi, quod traxit de Vírgine Maria, sic suscípere, ut córpori suo mystico mérear incorporári, et inter eius membra connumerári.

O amatíssime Pater, concéde mihi diléctum Fílium tuum, quem nunc velátum in via suscípere propóno, reveláta tandem fácie perpétuo contemplári: Qui tecum vivit et regnat in unitáte Spíritus Sancti, Deus, per ómnia saécula saeculórum. Amen.

GRATIARUM ACTIO POST MISSAM

Quilibet Sacerdos, ex concessione Leonis XIII sub die 20 Dec. 1884, lucrari potest Indulgentiam unius anni, si post Missam celebratam, dicto Cantico trium Puerorum et Psalmo 150 cum adnexa Antiphona, Versiculis et Orémus, item ut infra, recitet Orationem S. Thomæ Aquinatis Gratias tibi ago, et Orationem S. Bonaventuræ Transfige.

Ant. Trium puerórum * cantémus hymnum, quem cantábant Sancti in camíno ignis, benedicétes Dóminum. (T. P. Allelúja.)

Quæ Antiphona in Duplicibus tantum duplicatur.

Canticum trium Puerorum

Dan. 3, 57-88 et 56

Benedícite, ómnia ópera Dómini, Dómino: * laudáte et superexaltáte eum in saecula.

Benedícite, Angeli Dómini, Dómino: * benedícite, coeli, Dómino.

Benedícite, aquæ omnes, quæ super coelos sunt, Dómino: * benedícite, omnes virtútes Dómini, Dómino.

Benedícite, sol et luna, Dómino: * benedícite, stellæ coeli, Dómino.

Benedícite, omnis imber et ros, Dómino: * benedícite, omnes spíritum Dei, Dómino.

Benedícite, ignis et æstus, Dómino: * benedícite, frigus et æstus. Dómino.

Benedícite, rores et pruína, Dómino: * benedícite, gelu et frigus, Dómino.

Benedícite, glácies et nives, Dómino: * benedícite, noctes et dies, Dómino:

Benedícite, lux et ténebræ, Dómino: * benedícite, fúlgura et nubes, Dómino.

Benedícat terra Dóminum: * laudet et superexáltet eum in saecula.

Benedícite, montes et colles, Dómino: * benedícite, univérsa germinántia in terra, Dómino.

Benedícite, fontes, Dómino: * benedícite, mária et flúmina, Dómino.

Benedícite, cete, et ómnia, quæ movéntur in aquis, Dómino: benedícite, omnes vólucres coeli, Dómino.

Benedícite, omnes béstiæ et pécora, Dómino: * benedícite, filii hóminum, Dómino.

Benedícat Israël Dóminum: * laudet et superexáltet eum in saecula.

Benedícite, sacerdotés Dómini, Dómino: * benedícite, servi Dómini, Dómino.

Benedícite, spíritus, et ánimæ justórum, Dómino: * benedícite, sancti, et húmiles corde, Dómino.

Benedícite, Ananía, Azaría, Mísaël, Dómino: * laudáte et superexaltáte eum in saecula.

Benedicámus Patrem et Filium cum Sancto Spíritu: * laudémus et superexaltémus eum in saecula.

Benedíctus es, Dómine, in firmaménto coeli: * et laudábilis, et gloriósus, et superexaltátus in saecula.

Hic non dicitur Glória Patri, neque Amen,

Psalmus 150

Laudáte Dóminum in sanctis ejus: * laudáte eum in firmaménto virtútis ejus.

Laudáte eum in virtútibus ejus: * laudáte eum secúndum multitudínem magnítudinis ejus.

Laudáte eum in sono tubæ: * laudáte eum in psaltério, et cíthara.

Laudáte eum in týmpano, et choro: * laudáte eum in chordis, et órgano.

Laudáte eum in cýmbalis benesonántibus: laudáte eum in cýmbalis jubilatiónis: * omnis spiritus laudet Dominum.

Ant. Trium puerórum cantémus hymnum, quem cantábant Sancti in camíno ignis, benedicéntes Dóminum. (Allelúja.)

Postea Sacerdos dicit:

Kýrie, eléison. Christe, eléison. Kýrie, eléison.

Pater noster, qui es in caelis, Sanctificetur nomen tuum. Adveniat regnum tuum. Fiat voluntas tua, sicut in coelo et in terra. Panem nostrum quotidianum da nobis hodie. Et dimitte nobis debita nostra, sicut et nos dimittimus debitoribus nostris. V. Et ne nos indúcas in tentatióem.

R. Sed líbera nos a malo.

V. Confiteántur tibi, Dómine, omnia opera tua.

R. Et Sancti tui benedícant tibi.

V. Exsultábunt Sancti in glória.

R. Lætabúntur in cubílibus suis.

V. Non nobis, Dómine, non nobis.

R. Sed nómini tuo da glóriam.

V. Dómine, exáudi oratióem meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

Orémus.

Deus, qui tribus púeris mitigásti flammam ignium: concéde propítius; ut nos fámulos tuos non exúrat flamma vitiórum. Actiões nostras, quaesumus, Dómine, aspirádo praevieni et adjuvádo proséquere: ut cuncta nostra oratio et operatio a te semper incípiat, et per te coepta finiátur.

Da nobis, quaesumus, Dómine, vitiórum nostrórum flammam exstínguere: qui beáto Lauréntio tribuísti tormentórum suórum incéndia superáre. Per Christum, Dóminum nostrum.

R. Amen.

PRO OPPORTUNITATE SACERDOTIS

Oratio S. Thomæ Aquinatis

Grátias tibi ago, Dómine sancte, Pater omnípotens, ætérne Deus, qui me peccatórem, indígnum fámulum tuum, nullis meis méritis, sed sola dignatióne misericórdiæ tuæ satiáre dignátus es pretiósó Córpoze et Sanguine Filii tui. Dómini nostri Jesu Christi. Et precor, ut hæc sancta commúnio non sit mihi reátus ad oenam, sed intercésio salutáris ad véniam. Sit mihi armatúra fidei et scutum bonæ voluntátis. Sit vitiórum meórum evacuatio, concupiscétiæ et libídinis exterminatio, caritátis et paciétiæ, humilitátis et oboediétiæ, omniúmque virtútum augmentatio: contra insídias inimicórum ómnium, tam visibílium quam invisibílium, firma defénsio: mótuum meórum, tam carnálium quam spiritalium, perfécta quietatio: in te uno ac vero Deo firma adhaeio; atque finis mei felix consummatio. Et precor te, ut ad illud neffábile convívium me peccatórem perdúcere dignéris, ubi tu cum Filio tuo et Spírítu Sancto

Sanctis tuis es lux vera, satietas plena, gáudium sempiternum, jucúnditas consummáta et felicitas perfécta. Per eúndem Christum, Dóminum nostrum. Amen.

Oratio S. Bonaventuræ

Transfíge, dulcíssime Dómine Jesu, medúllas et víscera ánimæ meæ suavíssimo ac salubérrimo amóris tui vúlnerē, vera serenáque et apostólica sanctíssima caritáte, ut lángueat et liquefiat ánima mea solo semper amóre et desidério tui; te concupíscat et deficiat in átria tua, cúpiat dissólvi et esse tecum. Da, ut ánima mea te esúriat, panem Angelórum, refectiónem animárum sanctárum, panem nostrum quotidiánum, supersubstantiálem, habéntem omnem dulcédinem et sapórem et omne delectaméntum suavitátis. Te, in quem desidérant Angeli prospícere, semper esúriat et comédāt cor meum, et dulcédine sapóris tui repleántur víscera ánimæ meæ; te semper sítiat fontem vitæ, fontem sapiéntiæ et sciéntiæ, fontem ætérni lúminis, torréntem voluptátis, ubertátem domus Dei. Te semper ámbiat, te quærat, te invéniat, ad te tendat, ad te pervéniat, te meditétur, te loquátur, et ómnia operétur in laudem et glóriam nóminis tui, cum humilitáte et discretiónē, cum dilectiónē et delectatióne, cum facilitáte et afféctu, cum perseverántia usque in fínem; ut tu sis solus semper spes mea, tota fidúcia mea, divítiæ meæ, delectátio mea, jucúnditas mea, gáudium meum, quies et tranquíllitas mea, pax mea, suávitās mea, odor meus, dulcédo mea, cibus meus, reféctio mea, refúgium meum, auxiliúm meum, sapiéntia mea, portio mea, posséssio mea, thesáurus meus, in quo fixa et firma et immobiliter semper sit radicáta mens mea et cor meum. Amen.

Rhythmus S. Thomæ Aquinatis

Indulgentia 100 dierum semel in die Leo PP. XIII, 20 Dec. 1884

Adóro te devóte, latens Déitas,
Quæ sub his figúris ver e látitas:
Tibi se cor meum totum súbjicit,
Quia, te contéplans, totum déficit.

Visus, tactus, gustus in te fállitur,
Sed audítu solo tuto créditur:
Credo, quidquid dixit Dei Fílius,
Nil hoc verbo Veritátis vérius.

In Cruce latébat sola Déitas,
At hic latet simul et humánitas;
Ambo tamen credens atque cónfitens,

Peto, quod petívit latro paenitens.

Plagas, sicut Thomas, non intúeor,
Deum tamen meum te confíteor:
Fac me tibi semper magis credere,
In te spem habére, te dilígere.

O memoriále mortis Dómini,
Panis vivus, vitam præstans hómni,
Præsta meæ menti de te vívere,
Et te illi semper dulce sápere.

Pie pellicáne, Jesu Dómine,
Me immúndum munda tuo Sángvine,
Cujus una stilla salvum fácere
Totum mundum quit ab omni scélere.

Jesu, quem velátum nunc aspício,
Oro, fiat illud, quod tam sítio:
Ut, te reveláta cernens fácie,
Visu sim beátus tuæ glóriæ.
Amen.